

清異錄

一函
四冊

表
異
錄

最宜草堂藏

表異錄二十卷玉峰王先生淑士所輯崇正時先生之
弟志慶敘而刻之稱其徵奇集異燦然炫目錢虞山金
陵雜題有釧動花飛之句蓋採集中語也舊本卷帙零
星脫誤頗多讐校數過彙付劄氏先生讀書嗜古才名
與李長蘅相伯仲虞山曾贈句云紅藥授書懷北郭青
燈讀易想南園其傾倒至矣所著又有史商說刪諸書
近漁洋山人居易錄載其史論數則卓識允超千古讀
是編者以是為嘗鼎一臠可耳康熙戊子冬鹽官陳世
修

表異錄原序

河渚先生上下古今纂述百氏其所編緝原瀆諸編與史商說剛等書半已爲世傳誦歿後八年而其所集表異錄始出蓋其披閱之間或字或句偶有淺奧輒筆錄之一時寄興非欲成書也久積爲冊遂傳家塾近始傳錄一二本友人遂爭購之因授之梓書成予讀而嘆曰先生之學豈在是乎而世購之若此耶先生學術極有原本其綜核史氏貫通千載如老吏折獄又如心計之賈數其困廩籍其囊索稊米尺帛罔有遺漏故於古人詩文尺牘輒能詳歲月之先後徵地里之南北讀者遂若置身當時不止諷解文義此豈循文逐句漫事涉獵

而能然哉嘗竊嘆今之學者務華而絕根逐流而忘源
俯拾仰取為不終日之計讀其文燦然滿紙叩其中藏
則枵如也殆所謂文章日工而道將散者乎予於壬子
癸丑之間得唐類函驚其華瞻讀之頗酣先生進而教
之曰此應敵簡閱之書咿哦沈酣豈應執此因為言六
經指歸及史漢歐蘇文章大槩予謹識之尚不能隅反
今墓木已拱音徽如昨反覆斯言其安能再聞乎是編
徵奇集異燦然炫目出之紙貴秘之枕函人有同好然
吾恐以是編求先生先生隱矣珠生於海執一夜光而
曰海在是及泛海而驚之木生於山執一枝而曰山在
是及登山而詫之夜光非不寶一枝非不材而詎若涉

山海之全乎故吾序是書而因以明先生之學令世之
讀者知所歸也崇正庚辰孟穉弟志慶題於槐蔭堂

表異錄目次

一卷

天文部

象緯類

歲時類

災祥類

祭禱類

二卷

地理部

邑里類

山川類

三卷

人物部

親戚類

帝王類

士庶類

四卷

宮室部

宮殿類
室堂類

五卷

器用部

總載

六卷

音樂部

總載

七卷

一軍旅部

總載

八卷

植物部

蔬穀類

花果類

九卷

動物部

羽族類

毛蟲類

蟲魚類

十卷

人事部

賢愚類

寵辱類

言動類

身體類

凶喪類

衣服類

飲食類

十一卷

國制部

總載

十二卷

職官部

總載

十三卷

刑法部

總載

十四卷

錢幣部

總載

十五卷

藝文部

總載

十六卷

仙趣部

總載

十七卷

佛乘部

總載

十八卷

棲逸部

總載

十九卷

技術部

總載

二十卷

通用部

駢語類

虛字類

表異錄目次終

表異錄

珠塢山農王志堅輯

天文部一

象緯類

袁宏與范曾書四海鼎沸天轡將移魏都賦曰天宇駭
地廬驚

潛夫論世主欲無功之人而強富之則是與天鬪也况
使無德之人與皇天鬪而欲久立自古以來未之嘗聞
也又曰民安樂則天心總天心總則陰陽和天鬪天總
語皆奇

嘗謂一併嘗有則天心
總下二有聚也兩字

王彪天賦曰溥為地蓋浩作星衢晉書帝呼天為碧翁
天文錄曰天如敬車蓋南高北下

抱朴子曰宣夜說天了無質仰而瞻之高遠無極蒼蒼然也譬遠望黃山皆青俯察千仞之谷而黝黑

唐詩殘霞蹙水魚鱗浪薄日烘雲卵色天東坡詩笑把鷗夷一尊酒相逢卵色五湖天正用其語

江賦曰類胚渾之未凝象太極之構天

天形穹窿如笠而冒地之表浮元氣之上譬覆奩以抑

水而不流者氣充其中也

虞登窮
天論

霽雨也豐隆雷也飛廉風也列缺電也

霜為威屑露為教水霧為迷天步障

日有九芒月有十芒方諸巫有服日月芒法

杜詩日脚下平地李賀詩露脚斜飛溼寒兔喻鳧詩雁

天霞脚雨東坡詩月脚垂孤光

淮南子至於淵虞是謂高春頓於連石是謂下春梁元帝詩暮春多淑氣斜景落高春唐薛能詩隔溪遙見夕

陽春

頓于連石一作至于連石注連讀腐爛之關

淮南子日至於鳥次是謂小還至於女紀是謂大還莊子日方中方睨衍義云日斜如人睨目楊用修詩渴虹下飲玉池水晚日橫分蒼嶺霞渴虹晚日皆奇

李長吉詩羲和騁六轡晝夜不曾閑彈鳥崦嵫竹扶馬蟠桃鞭

符瑞圖日二黃人守者外國人來降宋景文詩青帝回風還習習黃人捧日故遲遲

江淹詩屬我嘔景半賞爾若光初嘔景崦嶮之景若光若水之光也

陸機演連珠种眼臨雲不能垂照朗璞蒙垢不能吐輝註利眼日也天有日猶人有眼目故以日為利眼海賦翔陽逸駭於扶桑之津註翔陽日也

廣雅云日一名朱光張孟陽詩朱光馳北陸

謝瞻詩扶光迫西汜歡餘宴有窮謝眺詩馳暉不可接何況隔兩鄉又詩過客無畱軫馳暉有奔箭

謝惠連詩頽魄不再圓傾羲無兩旦

易傳曰日者衆陽之精內明玄黃五色無主以象人君精精似青翼翼似黑玄玄似赤縹縹似白煌煌似黃光

照無主不可以一色名也

易乾鑿度曰月三日成魄八日成光蟾蜍體就穴鼻始明穴鼻兔也

淮南子云月御曰望舒亦曰纖阿

漢志死霸朔也生霸望也霸音魄月始生霸霸然也霸作

古魄字非音魄

謝莊月賦曰若夫氣霽地表雲斂天末洞庭始波木葉微脫列宿掩縟長河韜映柔祗雪凝圓靈水鏡連觀霜縹周除冰淨歌曰美人邁兮音塵闕隔千里兮共明月孝經內事曰昆弟有親親之恩則鈞鈐不離房

淮南子流星色赤名曰地雁其所墜者起兵流星有光

青赤名曰天雁軍甲之精華也

流星一作沆星色赤一作色青赤○軍甲一作軍中

大象賦云斂明光被填逆水府洪波滔天功隆大禹註
咎堯遭大水填星逆行入水府

畢為天網主網羅無道之君故武王伐紂上祭於畢求

助天也

後漢蘇竟傳

漢書曰項羽救鉅鹿枉矢西流枉矢所觸天下之所伐
射滅亡象也觀象賦曰恒不見以周衰枉蛇行而秦滅
廣雅云熒惑謂之罰星杜牧孫子註云歲為善星不福
無道火為罰星不罰有德

天文錄曰輔一星附北斗杓第六星大臣之象也占欲
其小而明若大而明則臣奪君政若小而不明則臣不

任職。又曰杵三星在箕南主春杵之用占若其縱則為豐若其橫則為饑

又曰五星反羽其下之國不可久處反羽者光芒上天下小狀如反羽也

王勃益州夫子廟碑高車南指遁七曜於中階華蓋西臨藏五雲於太甲張燕公讀之不解訪之一行言北斗建午七曜在南方有是之祥無位聖人當出華蓋以下

卒不可悉

高一本作帝
午一本作五

能占算星辰曰善為星出翟方進傳

離瑜星名微則後宮儉明則後宮奢

六朝文二咸防奢七公理獄二咸七公皆星名

杜牧傳疫病曰大陵之氣大陵星名

天文志辰星過太白間可滅劍槭音函容也其間可容

一劍

格澤星名大人賦建格澤之脩竿儲光羲詩格澤為君

駕

易通卦驗曰冬至初陽雲出箕如樹木之狀立春青陽
雲出房如積冰春分正陽雲出軫如白鵠穀雨太陽雲
出張如車蓋立夏初陰雲出觜如赤珠夏至少陰雲如
水波寒露正陰雲如冠纓霜降太陰雲出上如羊下如

蟠石

易通卦驗曰冬至初陽雲出箕如樹之狀立春少陽雲出房如積水春分

正陽雲出軫如白鵠一作鶴謝眺詩鶴雲旦起穀雨太陽雲出張如車蓋

立夏初陰雲出觜如赤珠一云赤如緇夏至少陰雲出參如水波
寒露正陰雲出井如冠纓霜降太陰雲出鬼上如羊下如蟠石

兵書曰韓雲如布趙雲如牛楚雲如日宋雲如車魯雲如馬衛雲如犬周雲如輪秦雲如行人魏雲如鼠齊雲如絡越雲如龍蜀雲如囷

秦雲如行人下一作佳人又作美人

荀子雲賦托地而游宇友風而子雨

陸機雲賦曰若柁壘揚芒嘉穀垂穎

張野廬山記云天將雨有白雲亘中嶺俗謂之山帶春秋感精符云冬至有雲迎送日者來歲美詩人冬至用

書雲事蓋本此

作天將雨則有白雲

曹子建有吹雲贊言雲如吹綸絮也有雕雲符瑞志雕雲自成五色儀鳳暗合八音又云雕雲素靈發祥漢氏有泄雲蜀都賦窮岫泄雲日月恒翳杜詩泄雲行清曉

有蘭雲南齊書日於蘭雲中簿半暈有覆車雲京房易
占云黃雲如覆車為大豐華嚴經有如羅雲謂雲如羅
也有樓閣雲虞邵庵詩手攬華鬢結化為樓閣雲五行
志有散鬢雲如亂髮也

管子雲平而雨不甚無委雲則遯已

宋書符瑞志榮露騰軒蕭雲掩閣緯書曰榮光幕河休
氣四塞天地訢合乃降甘露是謂榮露尚書大傳蕭索
輪囷是謂卿雲溫子昇詩桐華引仙露槐彩麗卿煙皆
用此

舟人占雲若砲車起則有暴風張文潛詩喜逢山色開
眉黛愁對江雲起砲車

韓文雲陰解駁日光穿漏表翻思歸賦駁霞兮絳霧
清明雨為潑火雨立夏雨為隔轍雨見退齋雅開錄
鶴雀群繞施飛謂之鶴井必有風雨出酉陽雜俎

蟻封戶天將大雨出易林

瑣碎錄閩俗立冬後遇壬日謂之入液至小雪出液得
雨謂之液雨百蟲飲此水而蟄又謂之藥雨林公弁詩
液雨初生小院寒

嶺南異物志云蠻烟蜃雨無別朝暮

朝暮一作晨暮

田家以晝晴夜雨為夜春

漢書曰董仲舒為江都相以春秋災異之變推陰陽所
以錯行故求雨閉諸陽縱諸陰其止雨反是

法言曰震風陵雨然後知厦屋之為幘幪也

木華海賦崩雲屑雨浹浹汨汨

焦明至為雨備水鳥也

東動聲儀

許慎曰黑蛟神虬潛泉而居將雨則躍

淮南子曰朱鷺浮於波上必大雨

段成式詩不願石郎戴笠難甘玉女披衣顧野王輿地

志曰萍鄉西津有玉女岡天將雨石間擁五色玄雲俗

名玉女披衣

披衣一作披袞

晉李顥詩黠霽重雲陰砒稜震雷吒吒字奇

春雷初起其音格格霹靂者所謂雄雷旱氣也其鳴依

依音不大霹靂者謂之雌雷水氣也

見師曠占

踰次之山有鳥名橐蜚服其毛羽令人不畏雷

大人賦貫列缺之倒影服虔曰天閃也

大荒之中有山曰鞠陵山有人名曰折丹處東極以出入風

兵書云風從震來名嬰兒風管公明言樹上已有少女
微風其雨應至矣

文心雕龍云尚書大傳有列風淮雨卽烈風淫雨

李賀詩門前流水江陵道鯉魚風起芙蓉老九月風也

昌黎詩雪霜刻以慘猙飄摺空衢穉惡風也

周處風土記曰五月風發六月乃止俗號黃雀風時海

魚變為黃雀因以名之

仙人亦重雪號為天公玉戲

雪詩還如驅玉馬暫似獵銀獐

謝惠連雪賦曰其為狀也散漫交錯氛氳蕭索藹藹浮
浮濛濛奕奕聯翩飛灑徘徊委積始緣甍而冒棟終闌
簾而入隙既因方而為珪亦遇圓而成璧眇隰則萬頃
同縞瞻山則千巘俱白於是臺如重壁逵似連璐庭列
瑤階林挺瓊樹皓鶴奪鮮白鷗失素

趙飛燕通隣人羽林射鳥者露立戶外風雪大作飛燕
閉息順氣體無軫粟

常袞賀雪表云重雲益固應水澤腹堅之時積潤潛通
迎土膏脈起之候

先民有言明出乎幽著生乎微故宋井之霜以基昇正
之寒黃蘆之萌以兆大中之暑

中論

凝霜封樹謂之木冰亦名樹介寧王憲有疾見而嘆曰
此俗所謂樹嫁者也吾其死矣諺曰樹嫁達官怕

出唐書

詩人稱天河曰銀河銀潢銀漢皆常語也李賀曰銀灣
江淹曰繩河緯書曰王者有道則河直如繩謝眺詩華
漢渟虛用詩雲漢昭回之意陸龜蒙云繩河裏扇月旁
春秋緯云武露布文露沈註曰甘露降其國布散者人

尚武沈重者人尚文

春秋緯云一作春秋緯曰

流甘委素玉潤冰鮮蜜房下結珠琲上懸

邢子才甘露頌

上玄乃顧神物薦委飛甘灑潤玉散珠連昔魏明仙掌

竟無靈液漢武金莖空望雲表豈若神漿可挹流味九

戶之前天酒自零凝照三階之下

李德林甘露表

虹曰天弓亦曰帝弓見白虎通又名天忌禮記曰虹者天地訖潰之氣也又曰水椿

爾雅蜺為挈貳註蜺雌虹也挈貳其別名

關中謂雹曰白雨紹興中大雨雹太學屋瓦皆碎官申
修補不敢言雹稱為硬雨

天文部二

歲時類

莫莢一名歷莢亦名仙茅

爾雅夏為朱明亦曰長羸楚詞收恢台之盛夏太玄經

註萬物豐於燠夏耗於亨冬

一作收恢台之子孟夏注夏以長物恢台長養也

煦嫗乎春曦彤乎夏

古者諸侯迎春於東郊齊曰族春見管子楚曰發春見楚詞漢書太守有行春班春之文

魏董遇字季真從學者苦渴日遇言當以三餘夜者日之餘冬者歲之餘風雨者時之餘渴日可對競辰

每月五日皆可稱端五見容齋隨筆冬至前一日亦可稱除夕見陸務觀筆記三月三日可稱重三見野客叢書

范子計然曰日者寸也紀刻而成晷也月者尺也紀度而成數也

淮南子名日圭為影柱廣雅云晷柱掛影陸龜蒙冬日

詩日光走冷圭

日未俄言日未昃也俄魯猶言寸陰也天官書熟五斗米頃李商隱李賀小傳如炊五斗黍許時戰國策堯見舜於草茅之中桑蔭不移而授天下又列子曰堯之知舜不違桑陰長揚賦日未靡旃王莽傳轉漏之間

谷永傳當陽數之標季註陽九之末季也

楊震傳車駕行還便時太學註於太學待吉時而後入也

夏小正語有新異者如農緯厥耒緯束也立春先時命農大夫咸勸農用也囿有見韭見露也農及雪澤及言汲汲也漢案戶漢天河案戶直戶也古者戶皆南向是

時初昏天漢直南也烏浴浴者飛乍高乍下也玄駒賁
玄駒蟻也賁走於地中也

唐六典春升寅階夏升亥階
漢詔曰方春生養萬物芋甲

淮南子二月之夕女夷鼓歌以司天和註云女夷春夏
長養之神也

除日進讎內二人名讎公讎母漢書減逐疫侏子之半

一作歲除日進讎內
二老人為讎翁讎母

世謂正月三日為田本命浙西人謂之夏正三言夏正
之三日俗以是日秤水以重為上有年

四月為麥秋見蔡邕月令章句

五月五日為地臘出道書

宋人賀正旦啓云瑞靈餞臘粉荔迎年洛陽人以正旦造粉荔枝

左傳曰浹辰之間楚克其三都辰指十二辰自子至亥也周禮天官曰挾日而斂之以甲至甲為挾日凡十一日也揚雄疏近不過旬月之役遠不過二時之勞翟方進為丞相司直旬歲間免兩司隸謂滿月滿歲也車千秋旬月取宰相則又謂十閱月也

四民月令四月是謂乏月冷穀既盡宿麥未登

開元高太素隱商山起六逍遙館各製一銘冬日初出銘曰折膠墮指夢想負背金鑼騰空映簷白醉樓攻媿

嘗取白醉名閣

阮籍詩陽和微弱陰氣竭海凍不流綿絮折庾肩吾詩
勁氣方凝海清威正折綿張說詩塞上綿應折江南草
可結山谷詩霜威能折綿風力欲冰酒

蕭辰秋日也出選詩

唐書武后造暑三陽宮造即避也二字新

續錦帶集紅鏡開炎耀暑方畏宋人秋日書啓金韞秩
序玉宇專涼韞與擎同

王晏詩槐序候方調指夏日也

何遜詩麥氣始清和謝眺詩麥候始清和王介父用之
曰晴日暖風生麥氣

謝靈運詩秋岸澄夕陰火旻團朝露又云述職期闌暑
理棹變金素盧植詩祝融解炎轡蓐收起涼駕范絳詩
戊日辭巢燕商天向浦鴻

東京賦日月會於龍虬恤民事之勞疚虬音鬪龍尾星
也日月會於尾十月時也民勞於歲事故天子當於此
時愍恤勞來之

唐詩春寒側側掩重門王介甫側側輕寒翦翦風許奕
小詞玉樓十二春寒側呂聖求詞側側寒斜雨

閏月為叢殘之數出穀梁傳註

公羊傳提月六鷁退飛過宋都提月者何僅逮是月晦
日也

聖人觀四時之變刻玉紀其盈虛察五行之聲鑄金均

其清濁所以遂八風而宣九德和大樂而成政道

晉律志

淳古葦籥創觀人籟之源女媧笙簧仍昭鳳律之首伶
倫含少乃擅比竹之工虞舜昭華方傳刻玉之美

隋律志
○舜時

西王母獻昭華
之增以玉為之

劉歆鍾律書云春宮秋律百卉必彫秋宮春律萬物必

榮夏宮冬律雨雹必降冬宮夏律雷必發聲

隋牛
弘傳

隋劉炫上太子啓曰自木鐸寢聲緒言成燼群生蕩析

諸夏沸騰曲枝雲浮疇官雨絕

大象元年太史上士馬顯等上景寅元歷奏曰臣案九

章五紀之旨三統四分之說咸以節宣發斂考詳晷緯

布政授時以爲皇極者也而乾維難測斗憲易差盈縮
之期致舛咎徵之道斯應寧止蛇或乘龍水能沴火因
亦玉羊掩曜金鷄喪精王化關以盛衰有國由其隆替
曆之時義於斯爲重自炎漢已還迄於有魏運經四代
事涉千年日御天宮不乏於世命元班朔互有沿改驗
近則疊璧應辰經遠則連珠失次義難循舊其在茲乎
臣等監考疎密共定今術開元發統肇自景寅至於兩
曜虧食五星伏見叅校積時最爲精密庶鐵炭輕重無
失寒燠之宜灰箭飛浮不爽陰陽之度

隋曆志

究天道之精微開日官之軌憲容成再出不能添累黍
之功壽王重生無以議分毫之失豈比夫時乖兩閏始

載鄒人之語亥有二首方聞絳老之年

李嶠神龍曆序

陸機刻漏賦伏陰蟲以承波吞絙流其如挹孫綽銘靈虬吐注陰蟲承瀉註蝦蟇也

天文部三

災祥類

梁簡文啓將恐督郵不除失在汝南之守曝齒未收無傷河南之尹

盛弘之荊州記云狼山縣有山獨立有二大石其門相去丈許俗名其一為陽石一為陰石水旱為災鞭陽石則雨鞭陰石則晴

古者穀不登虧膳灾屢至損服凶年不墜塗

泥屋也

甘泉賦卹瘡錫羨註錫與也羨饒也言神明饒與福祥

也河東賦發祥隕祉註隕降也

陳忠疏曰今天心未得隔并屢臻註并必姓翻隔并謂水旱不節也

涌趯邪陰湛溺太陽

李尋語

谷永傳曰末殺災異滿調誣天滿調欺罔也
公羊傳大災者何大瘠也註民病也

穀梁傳一穀不升謂之饑三穀不升謂之饉四穀不升謂之歉

天文部四 祭禱類

爾雅祭山曰廋縣祭川曰浮沉祭星曰布祭風曰磔是
儼是禡師祭也既伯既禱馬祭也

管子秋至而禾熟天子祀於太畎畎與歲蕤字義音同草木歲垂也秋至百穀成而草木垂故祀之

郊祀志上宿郊見通權火註權舉也凡祭祀通舉火者或以天子不親至祠所而望拜或以衆祠各處欲其一時薦饗故以火爲之節度也

凡祭灌鬯求諸陰病蕭求諸陽病而悅切與蒸同

祭宗廟物曰縮鬯蕭艾

出藩岳

溫祭物曰鞞俎

出儀禮鞞音耳

漢文帝作顧成廟言制度卑狹若顧望而成也漢諸帝皆有廟景帝號德陽武帝號龍淵昭帝號徘徊宣帝號樂遊元帝號長壽成帝號陽池

班固傳啓恭館之金騰註恭肅之館謂廟中也金騰以

金緘匱藏符瑞之書於其中也

三禮義宗云雩祈雨之祭崇止雨之祭

地理部一 邑里類

杜薦論都賦雍州本帝王所以育業霸王所以衍功戰
士角難之場也關梁之險多所衿帶一卒舉礪千夫沈
滯肇十有二是爲瞻狖

西都賦曰華實之毛則九州之上腴焉防禦之阻則天
地之隩區焉

周公將致政南繫於洛水北因乎郊山以爲天下之大

奏

周書作
維解

薛宣傳谷永疏薛宣爲御史中丞執憲轂下任昉竟陵
王傳神臯載穆轂下以清轂下猶輦下也

城上垣謂之睥睨言於孔中睥睨非常也亦曰睥言裨

助城之高也亦曰女牆言其卑小比之於城若女子於丈夫也

呂溫受降城銘云俯視陰山仰看昭回一夫登陴萬里洞開封張仁愿制云橫却月於天街劃長雲於地脈周禮形方氏掌邦國之地域而正其封疆無有華離之地註析而不絕為華絕而不續為離華音夸

周禮土訓掌道地慝以辨地物誦訓掌道方慝以詔避忌地慝如磽确之地不宜稼穡斥鹵之地不宜果蓏是也方慝一方之瘴烟厲氣

後梁為北魏影國猶云附庸

衢國言衝要也

荆公詩臥占寬閒五百弓。又詩曰白下亭東鳴一牛。又潮溝直下兩牛鳴。蓋佛家以四肘爲弓。肘一尺八寸。四肘蓋七尺二寸。又拘盧舍者謂大牛鳴聲所極聞。杜詩葭萌氏種迥左。擔犬羊屯李充蜀記云。蜀山道徑險窄。擔負者不容易。肩謂之左擔道。

趙州石橋望之如初月出雲。長虹飲澗。

宋書西陽王子尚言湖山之禁云。爇山封水保爲家利。爇燎除芻草也。

交鄉。寫佃。如今之遠莊寄業。出王伯淮奏議。

周禮疏有陰臯陽臯以淺溪向背言也。

燒田而種曰畷。故野燒曰畷火。

田勝曰水埒

唐書南詔傳官給田四十雙蓋二百畝也五畝為雙陶南村謂一雙為四畝

古歌高田種小麥穰穰不成穗男兒在他鄉安得不憔悴

三都賦林藪石畱而蕪穢石畱言土地多石如人之有畱結也戰國策成臯石畱之地無所用之賦本此

五姓秘要相山之法欲如生蛇之渡水又欲如啄木之飛翔生蛇渡水取其詰屈啄木飛翔取其一高一下

昭明太子葬母有道士云此地不利長子若厭之或可申延厭厭勝也

胡建傳時監軍御史為姦穿北軍壘垣以為賈區建斬之以奏註坐賣曰賈為賣物之區也

何進馳從僂道歸營僂任鑿反疾也

目語額瞬言市人精黠也出成伯陽

去中土之肥饒寄不毛之荒極楊終語

烏孫康居奄蔡大月氏皆行國隨畜牧

主父偃傳匈奴獸聚而鳥散從之如搏景

晉書慕容氏邑於紫蒙之野故宋人送使契丹詩多用

此二字

韓安國言匈奴自古不屬為人言不內屬於漢為人
也

譯語人曰象胥又曰舌人蠻夷贖罪貨曰賧土貢曰飛
苞驛籠

西南夷蠻名渠帥曰精夫相呼為媿徒

羗胡敝腸狗態臣不能禁止

董卓語

武帝征伐匈奴二十餘年匈奴馬畜孕重墮殞罷極苦
之註孕重懷妊者也墮落也殞敗也

魏主遺宋文帝書我今北伐先除有足之寇註柔然多
馬故言其有足臧質與魏主書亦云爾自恃四足
元魏都洛諸夷侍子春去秋來謂之雁臣

桓譚新語荊州有臭飲之蠻南城有飛頭之夷

文選夷狄以蒸報為仁義註上淫曰蒸下淫曰報

唐書裴行儉討遮旬春築碎葉城面三門紆環多趣以詭出入西域胡縱觀莫測其方畧

東夷傳馬韓人大率皆魁頭露紆註魁頭猶科頭也謂以髮縈繞成科結也紆音計

匈奴盛時役屬西域置僮僕都尉以領西域蓋以僮僕視西域也

輦庭虜庭也出南史亦云毳帳

鹽鐵論匈奴利則虎曳病則鳥析

匈奴傳匈奴有斗入漢地直張掖郡

地理部二

山川類

輦氏耳目志云海山微茫而隱見江山嚴厲而峭卓溪

山窈窕而幽淡塞山童頽而堆阜

梁宣帝七山寺賦神鷲品虫而獨立仙的皎皎以孤臨
壑之凸凹者曰鷲峰之尖射者曰的

南州異物志云合浦之人習水善游上視層潭如猿仰

株入如沈鱉出如輕鳧蹲泥剖蚌潛竊明珠

游音於

正月解凍水二月白蘋水三月桃花水四月瓜蔓水五

月麥黃水六月山礬水七月荳花水八月荻苗水九月

霜降水十月復槽水十一月走凌水十二月蹙凌水

楊誠齋擬大招懷東坡詞歷九州而猶礙今謹置之祝

融之汪謂南海也左傳雍氏之汪服虔註停水曰汪

晉戴洋謂庾亮曰武昌山作八字數不及九昔吳用壬

寅來上巳酉下還秣陵陶公亦涉八年盛衰有數不可移也潘邠老江口詩曰八字山頭雁武昌江上魚

陸魯望云金華山枝峯蔓窈秀氣匆魄不啻神仙登臨瀟山巨峯鼎峙拒雲概日

桂林之山玉笋瑤簫森列無際

王涯仙掌辯云銳而出者為虎牙尖而背者為熊耳角而巘者為牛首冠而峭者為鷄頭

慎子曰治水者茨防決塞雖在夷狄相似如一學之於水不學之於禹也茨防即今黃河之埽也

三秦記龍門之險懸船而行

元微之送客游嶺南詩波心擁樓閣規外布星辰自註

交廣間南極漸高北極凌低規度外星辰至衆如五曜者皆不在星經

君山一名媯宮武當山一名纂嶺普陀山一名梅岑青城山一名天谷大復山一名胎簪衡山一名芝岡武夷山一名幔亭

盛弘之荊州記沮水幽勝云稠木芴生凌空交合危嶮傾岳恒有落勢風泉傳響於青林之下巖猿流聲於白雲之上游者常苦目不周翫情不給賞

嶮或作樓

李益詩胡風凍合鷓鴣泉牧馬千群逐暖川暖川可對熱海皆胡地之水冬日少不凍非真暖熱也

韓退之詩懸瀑垂天紳孟郊詩簷溜擲天紳東坡詩餘

波猶足掛天紳子由詩蒼壁立積鐵懸泉瀉天紳謂瀑
布為天紳甚奇

稚水蒙流水經註

軟灘嫩堰出宋河渠志

大戴禮以丘陵為牡谿谷為牝古詩云哀壑叩虛牝韓
退之詩可憐無補費精神有似黃金擲虛牝

江賦隨風猗萎與波潭沲註潭沲隨波之貌沲徒我切
梁簡文詩潭沲青帷閉玲瓏朱扇開富嘉謨詩陽青二
月朝始暎春光潭沲度千門

惠州佛疏院東則熱泉湯如也西則冷泉雪如也又地
理志論水性之別如庭州灞水金鐵皆漏鄜延之川石

脂流煙弱水溺毛黑溪玄髓悉唐制角畔怯腐手其不同有如此

真誥云金陵者洞虛之膏腴勾曲之地肺註云水至則浮故曰地肺

大懷山為地喉可對天目又岐山為地乳

雲溪友議山中有玉者木笏枝下謂之寶苗

東京賦鳴女床之鸞鳥舞丹穴之鳳凰註女床山名

焦氏易林江河淮海天之奧府又易林占變江河淮海

天之都市

漢文帝臨厠韋昭所謂夾二水而臨其岸也慎夫人如厠與武帝據厠見衛青溷厠之厠也

謝靈運羅浮山賦朱明之陽宮耀真之陰室洞穴之寶
衢海靈之雲術

拾遺記方丈之山一名巒雉

泰山一名天孫言爲天帝孫也

博物志

湘水出自陽朔至清溪五六丈下見底了了然石子若
擣菹白沙如霜雪赤岸若朝霞

羅含湘川記

山峯之上立石數百丈亭亭桀竪競勢爭高遠望巖巖
若攢圖之托霄上其下層巖峭舉壁岸無階懸巖之中
多石室焉若有積卷矣而世士罕有津逮者因謂之積

書巖

水經注

孟門卽龍門之上口也實謂黃河之巨阨兼孟津之名

矣此石經始禹鑿河中漱廣夾岸崇溪傾崖返捍巨石
臨危若墜復倚古之人有言水非石鑿而能入石信哉
其中水流交衝素氣雲浮往來遙觀者常若霧露沾人
窺溪悸魂其水尚崩浪萬尋縣流千丈渾洪聳怒鼓若
山騰濬波頽疊迄於下口方知慎子下龍門流浮竹非
駟馬之追也

入南出一里至天井井裁容人穴空迂迴傾曲而上可
高六丈餘山上又有微洧細水流入井中亦不甚沾人
上者皆所由涉更無別路欲出井望空視明如在室窺
窗也出井東南行二里峻坂斗上斗下

孟門東南有平山水出於其上潛於其下又是王屋之

次疑卽平山也其水南流歷鼓鐘上峽懸洪五丈飛流注壑夾岸深高壁立直上經崖秀舉百有餘丈峰次青松巖懸頰石於中歷落有翠柏生焉丹青綺分望若圖繡矣

其山石岸絕嶮壁立天固崖半有一石室去地可五十餘丈爰有層松飾巖列柏綺望唯西側一處得歷級升陟

南峰北嶺多結禪棲之士東巘西谷又是刹靈之圖竹柏之懷與神心妙遠仁智之性共山水効溪

又逕七賢祠東左右筠篁列植冬夏不變貞萋

丹水又東南歷西巖下巖下有泉湧發洪源巨輪淵

深不測蘋藻冬芹竟川含綠雖嚴辰肅月燕麥暄萋
廣昌縣東南郎山東北燕王仙臺東臺有三峯甚爲崇
峻騰雲冠峯高霞翼嶺岫壑冲深合煙罩霧耆舊言燕
昭王求仙處

秀郭分霄層崖刺天

山岑競舉若豎鳥翅立石嶄巖亦如劍杪

池在山原之上世謂之天池方里餘其水澄渟鏡淨而
不流若安定朝邦之湫淵也清水流潭皎焉冲照池中
嘗無斥草及其風澤有淪輒有小鳥翠色投淵銜出若
會稽之私鳥也

私鳥當
作私鳥

自西域涉黃金峭寒泉嶺陽都坂峻嶮百重絕日萬尋

既造其峯謂已踰崧岱復瞻前嶺又倍過之言陟羊腸
超煙雲之際顧看向塗杳然有不測之嶮

其下十餘里有大巫山非唯三峽所無乃當抗峯岷峨
偕嶺衡疑其翼附羣山並縹青雲更就霄漢辨其優劣
耳

自三峽七百里中兩岸連山畧無闕處重巖疊嶂隱天
蔽日自非停午夜分不見曦月至於夏水襄陵沿沂阻
絕王命急宣有時朝發白帝暮到江陵其間千二百里
雖乘奔御風不以疾也春冬之時則素湍淥潭迴清倒
影絕巘多生檉柏懸泉瀑布飛漱其間清榮峻茂良多
趣味每至晴初霜旦林寒澗肅常有高猿長嘯屢引淒

異空谷傳響哀轉久絕故漁者歌曰巴東三峽巫峽長
猿鳴三聲淚沾裳

下有灘名曰黃牛灘南岸重嶺疊起最外高崖間有色
如人負刀牽牛人黑牛黃成就分明旣人跡所絕莫得
究焉此巖既高加江湍紆迴雖途逕信宿猶望見此物
故行者謠曰朝發黃牛暮宿黃牛言水路行溪迴望如
一矣

宜都記曰自黃牛灘東入西陵界至峽口一百許里山
水紆曲而兩岸高山重障非日中夜半不見日月絕壁
或千許丈其石彩色形容多所象類林木高茂畧盡冬
春猿鳴至清山谷傳響泠泠不絕所謂三峽此其一也

崧言常聞峽中水疾書記及口傳悉以臨懼相戒曾無
稱有山水之美也及余來踐躋此意既至欣然始信之
耳聞不如親見矣其疊嶂秀峰奇構異形固難以辭叙
林木蕭森離離蔚蔚乃在霞氣之表仰矚俯映彌習彌
孫云疑脫佳字流連信宿不覺忘返目所履歷未嘗有也既自欣
得此奇觀山水有靈亦當驚知已於千古矣

榛棘蒲薄騰林拂雲幽煙冥緬非生人所安

咸驩已南麀麀滿岡鳴咤命疇警嘯聒野孔雀飛翔蔽
日籠山

林棘荒蔓榛梗冥鬱藤盤筍秀叅錯際天

其小水崖巖崖常吐飛溜或雪霏沙漲清寒無底分溪

別壑津濟相通

澧水又東茹水注之水出龍茹山水色清澈漏石分沙
莊辛說楚襄王所謂飲茹溪之流者也

山中有三精舍高覺凌虛垂簷帶空俯眺平林煙杳在
下水陸寧晏足為避地之鄉矣

江闕漁商川交樵隱故桂棹蘭棧望景爭途

石鼓山有石鼓於星為河鼓星動則石鼓鳴石鼓鳴則
秦土有殃鳴淺殃萬物鳴深則殃君王矣

人物部一 親戚類

宋莒公以宋元憲為宗。袞本謝眺以謝安為宗。袞謝詩曰。沾危賴宗袞。微管寄明牧。

武后櫛剪宗支。

高祖微時過其卯嫂。食嫂厭之。陽為羹。盡轅釜。註卯大也。轅音勞。轅也。

兩壻相謂為亞。江東人呼為僚。壻嚴助為友。壻所辱。註同門之壻也。

宋世以駙馬為粉。侯文及甫抵書。邢恕謂駙馬韓嘉彥兄忠彥為粉。昆。

孿子雙生子也。

楊修答臨淄侯云君侯忘聖賢之顯迹述鄙宗之過言
王荆公答劉原文書稱鄙宗夷甫

文選謝惠連詩聊用布親串註串習也

汜毓字稚春濟北廬人敦睦九族時號其家兒無常父
衣無常主

晉書

開元中崔隱甫奏青州北海人呂元膺四代同居至所
畜牛馬羊狗皆異母同乳請加旌表制許之

宋太原太守顧訓之五代同居家有百口時人重之名
其所居橋曰百口橋

鄭盧李崔皆為甲族太原王亦四姓之匹而呼為銀鏤
玉家喻銀質而金飾

公西華之養親也若與朋友處曾參之養親也若事嚴

主烈君子

淮南子

宋王裕之未嘗教子孫學問或問之答曰丹朱不應乏

教寧越不聞被捶

南史

孝文臨軒令諸州中正各舉所知陽尼與房千秋各舉

其子帝曰魯有一郝名垂往史今有二奚當聞來牒

北史

陳畱太守太山吳文章少孤與兄伯武相失別二十年

後會下伍市爭計共鬪伯武毆之文章欲報心中惻愴

手不能舉大自怪也因投杖於地還相尋問乃親兄也

世祖贈到溉到洽兄弟詩曰魏世重雙丁晉朝稱二陸

何如今兩到復似陵寒竹

梁書

前漢志云見神於先後宛若其註云兄弟妻關中呼為
先後退之南山詩或齊若朋友或差若先後宋景濂樓
母墓版文處先後惟以柔勝皆用此

雖察父愆兄覆育子弟誠無以加也慈智

對父之舅氏稱彌甥出左傳

女曰息女出漢書

五行志處妾遇之而孕註處妾宮中之處女

郊祀志孟康曰兄弟之妻呼為先後古謂之娣姒今關

中俗呼為先後吳楚俗呼為妯娒

劉向傳臣幸得托肺附註為如肝肺相附著

鄒揚傳壤子王梁代註梁益之間所夢謂其肥盛曰壤

武五子傳曰趙氏無炊火焉註言絕祀也

自稱子曰糞土息出說苑呼人弟曰淑弟出魏文誅

兄弟和曰季有兄心

小姑曰女妯又曰女叔

禮冠儀

女壻曰倩

出漢書

妹壻曰媼

出公羊傳

生子曰媼乳余朱榮欲入朝視皇后媼乳婦人曾產曰

嘗字谷求曰無避嘗字

多妾曰後房多曠積之女

任昉

覓常婢市寒賤可制指者

杜牧

不再娶曰不開媵路

公羊

賈敦頤敦實兄弟皆有美跡立碑號常棣碑

沈淡弟深冲皆為御史中丞名譽有優劣人號為腰鼓兄弟

盧綸作王駙馬花燭詩有人主人臣是親家今人呼親家親作去聲蓋本此

袁聿脩為姨丈人崔休所知賞蓋今之姨夫也

服虔曰民母嫡母也衛青少時民母之子皆奴畜之

漢王莽二年有男子遮立國將軍車曰漢氏劉子與成帝下妻子也下妻二字奇又元后傳多取傷妻

劉瑜三世同居外無異門內無異煙

京房易傳子孫為寶爻

鄭敬曰今幸得全軀樹類還奉墳墓註樹類謂有胤嗣

沈休文詩曰還家問鄉里詎堪持作夫鄉里謂妻也南史張彪云我不忍令鄉里落他處

婢妾年久而衰退者謂之房長亦曰房老婢之婢曰重臺羊欣書似婢作夫人米芾學欣書高宗謂米字為重臺

傅婢註傅曰附謂幸也見王吉傳

唐涿州節度使薛嵩青衣紅線號曰內記室

家語云柳下惠嫗不逮門之女國人不稱其亂荀子柳下惠與後門者同衣而不見疑非一日之聞也惠夜宿於郭門外有女子來天寒乃坐女子於懷以衣覆之二語皆用此不逮門與後門字皆僻荀子舊註非也

董仲舒曰天地之氣不致盛滿不交陰陽是以君子甚
愛氣而謹游於房疏春而曠夏涸秋而揆冬揆字當
作睽
荀子冰泮逆女霜降殺火殺音隆殺之殺蓋發生之際
合婚姻閉藏之時禁嗜欲也

吳季札聘於鄭見子產如舊相識貽之縞帶子產獻紵
衣焉胡叟謂高允曰吳鄭之交以紵縞為美談吾之於
子以韋弦為幽贄

公沙穆遊太學資乏變服為傭賃春於吳祐家祐與語
大驚遂定交於杵臼之間

人物部二 帝王類

王融疏曰天移雲動勒封岱宗咸五登三追蹤七十集

三燭於蘭席聆萬歲之工聲豈不韙哉

要略曰禹之治水身執畚插以為民先當此之時燒不暇積濡不給扞

尚書帝命驗期曰桀失玉鏡用其噬虎註玉鏡謂清明之道虎謂其暴虐孝經援神契云后偷任戚折其玉斗失其金椎註玉斗渾儀金椎言國之寶

法言曰始皇方虎捫而梟磔噬士猶腊肉也

史通曰姬宗之在水滸也鶩鶩鳴於岐山劉姓之在中陽也蛟龍降於豐澤

彤雲晝聚素靈夜哭

漢高帝

王莽傳論紫色蠅聲餘分閏位註紫間色蠅淫聲也

琅琊王道子亂政陸納望宮闕嘆曰好家居纖兒欲撞壞之耶

後漢宦者論云魏武因之遂遷龜鼎

朱氏代唐四方幅裂朱邪入汴比之窮新謂有窮新莽也

司馬懿奏曹爽曰天下洶洶人懷危懼陛下但為寄坐。隋元諧欲反使弟滂望氣滂曰瞻雲如蹲狗走鹿不如我輩有福德雲

儒林傳桓靈之間君道秕僻黨錮傳序叔未澆訛王道陵缺

唐詩欲知皇劫遠初拂六銖衣皇劫即帝年也

史記世家謂孔子稱文王眼如望羊又漢書註鄭玄謂羊畜之遠視者也

荀子國安於盤石壽於箕翼註箕翼主壽考

朱勃訟馬援書曰夫明主釀於用賞約於用刑

唐文皇虬髯壯冠人號髭聖

杜良作唐太宗畫像贊云仁爐義鞬道薪德火

真冷遺命也莊子山木篇桑雩曰舜之將死真冷禹曰汝戒之哉形莫若緣情莫若率註冷曉也謂以真道曉語禹也

崔駟西巡頌表曰唐虞之世樵夫牧豎擊轅中韶感於和也班固集擊轅相杵亦足樂也曹子建書擊轅之歌

有應風雅柳子厚云擊軒拊缶宋景文云壤翁轅童
唐時宮中呼天子為宅家通鑑韓建發兵圍十六宅諸
王呼曰宅家救兒劉季述等至思政殿皇后趨至拜曰
軍客勿驚宅家唐子西詩宅家喜得調元手

初為天子後為人螭崔琦外戚箴語註螭山神獸形以
此比紂之惡也

壺政穆宣房樂韶理坤則順成星軒潤飾

顏延年宋
文后哀冊

晉書曰作配皇極齊體紫宸象玉床之連後星俞金波
之合義璧又曰龍釐結釁宗周鞠為黍苗燕尾涎災隆
漢墜其粉社

漢后紀恩隆好合遂忘瀆蠹註瀆穢也

後周皇后服制受繭則服驚衣聽女教則服鶉衣歸寧則服翽衣鶉音罩翽音秩

許敬宗知武后鉗戾能固主以久已權

唐武后贊效數神器注盜也

鳴牝構孽紛虹肆灾女主之禍

唐人目武后時為牝朝

春秋感精符曰婁黨翔則有黃雲入國國祲春秋運斗樞曰九女並訛則九虹竝見

后親蠶所駕馬曰駟馬后妃親桑處曰桑壇后飼蠶禮曰三灑

魏明帝詔錄士女已嫁為吏民妻者還以配士簡其有

姿首者納之掖庭。註首謂鬢髮者。

漢後宮位號有名無消者。註消潔也。言無所不消潔也。二字奇。

張茂疏曰：况復有掖庭非員、無錄之女、椒房母后之家、賞賜橫與其費半軍。註非員謂出於員數之外者。無錄謂宮中錄籍無名者。

董賢傳：召賢女弟為昭儀。位次皇后。更名其舍為椒風。以配椒房。

齊東昏於宮中為市。使宮人屠沽。潘氏為市。令帝為市。魁。

明皇遣使擇天下姝好。號花鳥使。

劉聰以婢為后王鑒諫曰不可以污玉簪而塵瓊寢也
魏文帝所幸美人薛夜來妙於針功雖處深帷之內不
用燈燭裁製立成宮中號為針神魏秦朗母為太祖製
亦號針神

唐書長孫無忌等贊曰天以女戎間唐而興非義士抗
之以死決不可支

青史子胎教篇曰古者胎教之道王后有身瑞七月而
就萋室太史持銅而御戶左太宰持升而御戶右此三
月者王后所求音聲非禮樂則太師撫樂緼瑟而稱不
習所求滋味非正味則太宰荷斗倚升而不敢煎調
崔季圭諫魏世子好獵勸其燔翳捐褶

教嚴縉瑟禮重吹銅教太子事

太子門戟曰鷄戟太子納妃曰龍枕鴨燈

出張敞晉東宮故事

晏元獻謝昇王記室表曰衣存缺衽式贊於謙冲饌去邪蒿不忘於規諫韓詩外傳周公誠伯禽曰衣成則必缺衽宮成則必缺隅

王褒太子箴曰元良繼體麗正離暉秋坊通夢春宮蒸德

梁晉安王上昭明啓曰殿下體高立躋養道春禁牢籬文圃漁獵義河楮遂良疏曰周嗣問安三至必退漢儲視膳五日乃來

上官儀册殷王文曰慶表裁梧德成觀梓

陸扆棣王制曰分以白茅錫其朱邸

唐彭王僅傳周稱百代抑聞麟趾之美漢命六官亦樹
犬牙之制

稱藩王之美曰間平謂河間東平也亦曰鄱桂南史鄱
陽王鏘桂陽王鑠皆齊高帝之子鏘好文章鑠好名理
人稱為鄱桂

人物部三

士庶類

唐時諸道進闈兒號曰私白

遽人驛卒也

出列子

河西節度使崔希逸。僉人入奏事。註僉從也。唐制軍鎮
大使以下皆有僉人。別奏以為之使。

諸曹走吏曰鳧雁

後魏道武時事

當百軍吏名也五百武校名也

田更言其老而更事也漢有三老五更

褚亮詩彤騶出禁中蓋五百戴紅帽以唱騶自唐已然矣

倪寬受業孔安國貧無資用為弟子都養

王敬則初為散輩使魏散輩謂衆人也

雁戶流民也

出唐書

小兒五歲曰鳩車之戲七歲曰竹馬之遊又撫塵而遊何妥與蘇夔議樂朝廷以夔威子多附之妥怒曰吾席間函丈四十餘年反為昨暮兒之所屈也

流冗道路

光武詔語
冗散也

彫劫之民劫音愧三國志

昭帝紀民匱於食流庸未盡還註謂去其本鄉而為人

庸作

劉虞為公孫瓚所殺北州百姓流舊莫不痛惜註流者
他州流人舊者舊著籍幽州者也

蔡興對武帝曰陛下自殺賊臣自葬周旋王立謨責所
親故吏曰當艱難時周旋輩無一言相和發者蓋當時
自有此語

郭泰傳段干木晉國之大駟註駟會也

彈王融奏曰招納不逞扇誘荒僮六朝時以北人為僮

荒

邢巒曰蕭淡藻是帚屐少年未洽政務

強宗右姓

出郭
後傳

章服言論與寒細不異

論衡曰藉孺韓嫣形要骨蘭皮媚色稱要與麗同蘭與
妍同

元結集諧臣顛官怡愉天顏顛音搵又杜牧樂官曰顛
玩之臣

巫覡號曰珎眊見本草覡音隙

諸事拾遺屬之乳姐傳以潼姆

楚詞佻惟倚於彌楹偃促談於廟堂註佻惟醜女也

北齊許散愁自少不登變童之牀不入季女之室變童

一云憇子美童也

憇一作
憇音宰

漢書女師為戊姆

宋明帝謂褚淵曰吾近危篤故召卿欲使著黃襪耳黃
襪者女服也魏靜帝謂崔季舒是我妳母

婦人見人則道福彼此道勝常王廣津宮詞曰新睡起
來思舊夢見人忘却道勝常勝字作平聲
衆嬖出漢樂歌嬖美女也

周文謂尉遲綱曰事平當賞汝佳口謂佳婢也

鬪掃髻名唐詩還梳鬪掃學宮粧

米元章書史云每歲荒及節迫往往使老婦馭攜書畫

出售婦駟卽今之牙婆也

陸慎言妻沈慘狡妬慎言委荆氏政不在已吏民號爲
臙脂虎

說苑以夜繼日男女切跡言鳥履交錯也

梁冀妻孫壽性鉗忌能制御冀註鉗鉞也言性忌害如
鉗之鉞物也

文選旣媿嬗乎幽靜兮復婆娑乎人間音鬼獲女間靜
也

文選舒紗倩之纖腰

宮室部一

宮殿類

帝居曰累琅

唐王珪

宮中路曰闡術

魏邈賦

帝居墻曰賁庸

尚書大傳註

殿柱曰蒿柱

漢武帝見梁上一老翁放杖稽首而不言東方朔曰此水木之精名曰藻廉夏巢幽林冬潛滋河陞下日造宮室斬伐其居故來訴耳武帝因此止役

元帝后厭居深宮王莽欲市其權令四時巡四郊春幸

蘭館註上林蠶所也

西都賦上觚稜而拂金爵註觚稜帝闕之角也蘇詩壁

月挂采星綴觚稜

梅福曰願一登文石之陛涉赤墀之塗

班固傳周廬千列註宿衛之廬周於宮也千列言多也
漢書昭帝紀始元元年上耕於鉤盾弄田弄田者天子
所戲弄也

宣帝紀詔池籞未御幸者假與貧民註折竹以繩絲連
禁籞使人不得往來為籞池者陂池籞者禁苑也

南史東昏侯遇弒於西弄蓋宮中別道如永巷之類即
今所謂衙者是也

毛詩外傳曰梁鄒者天子之田也東都賦制同乎梁鄒
義合乎靈囿

溫庭筠華清宮詞詩澀浪浮瓊砌晴陽上綵旂揚升庵
曰疊石凹入如險崖狀謂之疊澀石多作水文謂之澀
浪

甘泉賦列宿乃施於上榮兮日月纔經於挾振註榮屋
翼也挾中央也振屋栝也言臺高日月星宿皆經於此
挾音鞞振音辰

役百乾谿費疑驪山

宮室部二 室堂類

左傳向戍來聘見孟獻子尤其室曰子有令聞而美其
室非所望也

門飾謂之鋪劉孝標詩金鋪玉鎖琉璃扉江總詩兔形

脉脉照金鋪沈佺期詩舞閣金鋪借日懸李元平賦歷
金環之華鋪

樓。焚。焚。字音焚。註云複屋重梁木多而上出也。見太史
慈傳

大秦國傳列置瑯亭皆堊堊之註堊飾也堊白土

宅大曰連里竟銜又曰并疆兼巷窗曰疎寮曰綺寮又

曰廳廡會出韻又曰白間小牕隙曰料戾石磔曰填又曰玉

鳥多牽椽曰增桴重焚理木之器曰儻監修曰護作室

單露曰單外

羊元群罷北海郡郡舍溷軒有奇巧亦載之以歸註廁

屋也

皇甫湜傳屋角曰蛟漏雀穿

唐王鉞宅有自雨亭水從簷上飛流四注當夏處凜若
高秋

戴延之西征記函道如函封也荀子云局室蘆簾局
室室如碁局也

仇覽過邑人陳元之舍曰廬落整頓耕耘以時此非惡
人教化未及至耳

姜詩至孝赤眉賊經詩里弛兵而過曰驚大孝必觸鬼
神比落蒙其安全註比近也落藩也

綺井亦名藻井又名鬪八今俗曰天花板也

豫章王巖啓云往歲作小眠齋皆補接為辦無乖格制

高歡徵時止龐蒼鷹家團焦中蒼鷹母見團焦上赤氣
赫然屬天團焦卽今所云團瓢也

周禮大司徒里宰以歲時合耦於鋤鄭氏註鋤者里宰
治處若今街彈之室金石錄有昆陽城漢街彈碑周名
鋤漢名街彈若今之申明亭也

王莽傳有里區謁舍之語蓋不宿客之舍為里區宿客
之舍為謁舍

驛傳曰使駭音開出唐會要又曰官櫛出晉令急遞曰疾

置舖兵曰遠人急報曰密驛輕郵

元魏以候望官為白鷺取其延望之意其時亭堠多刻
鷺像漢明帝過亭障有鳥鳴亭長射中之曰烏烏啞啞

引弓射洞左腋陛下壽萬年臣為二千石帝悅令天下
亭障皆畫烏楊用脩紀行詩山遮延鷺埃江繞画烏亭
漢書庠舍庠者迓也漢時野路候迎賓客之所皆有庠
舍

其書中各稱在野之類如禮記所載之類皆不取
其書中各稱在野之類如禮記所載之類皆不取
其書中各稱在野之類如禮記所載之類皆不取
其書中各稱在野之類如禮記所載之類皆不取
其書中各稱在野之類如禮記所載之類皆不取

器用部 總載

顏延年云跣躡清防密註清防屏風也

廣雅幘幘簾也

記事珠簾局古熏籠也一名秦篝

田俵子堯時有獬豸緝其毛而為帝帳

柳。櫪。杖也。范石湖詩病憐柳櫪隨身慣老覺屠蘇到手

難

孔融肉刑論曰賢者所制或踰聖人水碓之巧勝於斷木掘地蘇詩掘地與斷木智不如機舂聖人懷餘巧故為萬物宗機舂水碓也

輿服志法駕前驅有九旂雲罕皆旌旗名

射雉賦捧黃閒以密殼屬剛挂以潛擬黃閒弩名剛挂
矢名

清賞錄右軍有巧石筆架名扈班大令有斑竹筆筒名
裘鍾

唐書器不行窳註不堅牢曰行苦惡曰窳

樂天詩笛愁春盡梅花裏簾冷秋生薤葉中註蘄州出
美竹製梅花笛薤葉簾

李洞詩六赤重新擲印成六赤者古之瓊爨今之骰子
也

鈎鋤熨斗也見驂鸞錄鈎母朗切

魏明帝詩畫作不停手猛燭繼望舒庾闡藏鬪賦督猛

炬以增明謂大燭大炬也周禮有墳燭

金錢百萬酒千鴟鴞盛酒器也

爾雅註鴟鴞似鳧而小膏可瑩刀杜詩筆健凌鸚鵡銛
鋒瑩鴟鴞又云鑄錯碧矍鴟鴞膏銛鏐已瑩虛秋濤
戴法興臨死封庫藏使家人謹錄籥牡

竟陵王得古器小口方腹而底平以問陸澄澄曰此名
服匿單于以與蘇武驗之果然

藥崧為部獨直臺上無被枕杜註杜思漬反謂俎几也
條脫即今之腕釧也

繩扉草鞋也

出儀禮

白樂天詩日暮半爐爇炭火今人謂炭浮者曰麩炭蓋

本此李茂正優人亦曰歸長安賣麩炭足過一生
杜詩作水排鑄為農器百姓使之註排蒲拜反治鑄者
為排以吹炭令激水以鼓之也

廣陵王荆作飛書封以方底註方底囊所以盛書也

徐琨母請伐蘆以為漚佐船渡軍註漚水中薄也

溺器曰夜漚見唐人文集

用修冬日文宮詞曰障風貂尾扇熅火象牙籠象牙籠
見西京雜記歐陽玄詩十月都人供煖箆

周禮六彝皆以舟鄭註云舟下臺也卽今之酒盤
陸雲與兄機書有剔齒纖一枝以寄兄

梁元帝讀易賦著名聚雪卦有密雲陸魯望幽居賦著

名聚雪琴號落霞

會稽竹簟供御號為流黃簟唐詩珍簟冷流黃

供御炭用鶉鴿色胡桃文

韓文公湘簟詩蘄州笛竹天下知一府傳看黃琉璃卷
送入尺含風漪白樂天簟冷秋生薤葉中薤葉秋生琉
璃夜滑

白樂天詩紅缸霏微滅碧幌飄飄開張光朝詩星缸凝
夜暉陸魯望詩月缸曉屏碧皆謂燈也李賀詩曉虹屏
中碧虹即缸

申王取猪毛刷淨命工織為席滑而且涼號曰壬癸席

出河東
備錄

龍箭響箭也見南史

西都賦招白間下雙鵠榆文竿出比目二句為對御覽引風俗通白間古弓名文選以間為鷗非也

藜牀牀之為杖也桃笙笙之為簟也阿錫錫之為布也藻井井之為言板也玉卮無當當之為言底也

列子衣阿錫史齊絲

錫韻書作楊袒衣也

梁簡文詩織成屏風金屈戌李商隱詩鎖香金屈戌李賀詩屈膝銅鋪鎖阿甄膝與戌同窗戶鎖鉸具也

桃笙以桃竹為簟也出柳子厚詩呼簟為笙宋魏時語不借為草履不落為酒杯不律為筆

軍持為淨瓶繞梁為樂器

杖名扶老鳥亦名扶老蟲為寄生軍裝亦名寄生蠶名
晨風馬亦名晨風木名長卿蟘越亦字長卿草曰屠蘇
屋曰屠蘇冠幘曰屠蘇酒亦曰屠蘇

山谷論筆云其擇毫如郭泰之論士其頓心著副如輪
扁之斲輪

酒盧賣酒之處壘土所築形如鍛盧以居酒甕

東坡詩麥光鋪几淨無瑕註麥光紙名又曰為把栗尾
書溪籐註栗尾筆也

棗心蘭薤皆筆名

雲膜紙也

魚卵紙也

右軍事可
對鼠須

山谷詩宣城變樣蹲雞距諸葛名家捋鼠鬚皆筆名
隋志有龍舟鳳舩舩音墨亦舟也

淥鷗蕙鷺皆船名見劉楨賦

金翅戰船名

出南史

江夏王義恭還朝文帝以御所乘蒼蠻船上迎之

帛蘭船以帛為蘭檻也

出漢書

孫權時名舸為馳馬曹真有快馬呼為驚帆

趙興欲出見矯稱侍中者鮑永拔佩刀截馬當匈乃止
註當匈以韋為之

犀舟勁楫

出張衡傳

摸枋大木也

以人立兩旁但可以手摸出齊東野語

音樂部

總載

閨宮閨徵卽變宮變徵五音惟宮徵有變
顧愷之箏賦斌麗含清輕縟璘彬孫諺琵琶賦抑揚按
念冉嫻摧藏皆極形容之妙

纂箏多撮琵琶多撚空侯多擘柳琴多擊

妓女以鹿角琢爲爪以彈箏曰繫爪梁簡文箏詩停絃
時繫爪息吹治唇朱又曰義甲唐劉言史詩送却玻璃

義甲聲

繫一作擊

嵇康琴賦慕老童於騏隅欽泰容之高吟註騏山神老
童居之其音常如鐘磬老童顓頊子泰容黃帝樂師
羅敷艷歌丹唇含九秋妍迹凌七盤九秋曲名七盤楚

舞

妍迹一作妍初

漢書雅聲遠姚註姚標姚飛揚之意

奚囊橘柚鐘一名長嘯一名粲谷三餘帖簫一名石弦
一名紫佩

牛僧儒初以所業謁韓愈皇甫湜其首篇說樂韓始見
題卽掩卷問曰且以拍板爲甚麼僧儒曰樂句二公大
稱賞

絲竹淒唳

出吳越春秋

倡飲甚歡倡樂也

笙簧時以火炙之樂家謂之煖笙陸魯望詩妾思冷如
簧時時望君煖

張釋之傳慎夫人鼓瑟上自倚瑟而歌註倚瑟即今之
以歌合曲也

王建宮詞羅衫葉葉繡重重金鳳銀鷺各一叢每遇舞
頭分兩向太平萬歲字當中唐樂府雜錄云舞有健舞
軟舞字舞花舞馬舞字舞者以舞人亞身於地布成字
也故建有太平萬歲字之句

Blank manuscript page with vertical columns.

軍旅部 總載

尹子環龜脫兔之法謂兵法也孫武子敵人開戶後如脫兔敵不及拒環龜出司馬用衆篇歷沛歷汜兼舍環龜謂環陣如龜也

國語挺鉞搢鐸以與楚王毒逐於中原言鳴金鼓而暴戰也

西征賦谿子巨黍異黍同機礮石雷駁迅矢童飛註谿子蠻夷拓弓也巨黍古良弓童飛箭名

裴耀卿論蓋嘉運曰萬人之命倚於將示不得已故鑿凶門而出今酣呶朝夕胖肆自安非愛人憂國者

貞元中宣武軍兵變執城將曹金岍另之註另古瓦翻

即凡字也

李陵曰今漢賞陵罪全其老母使得奮大辱之積志庶幾乎曹柯之盟

郭圖說袁紹曰監軍之計在於將牢。又諸將謂姚萇曰陛下將牢太過耳。將牢猶言持重也。李廣自負其能數與虜确

武帝謂曰日者北邊有興。註謂發軍也。隗囂傳多設支閼障閼也。

尉繚子兵法耕有春懸耜織有日斷機。言用兵妨耕織也。國語室無懸耜。後漢書簡其精勇多其牢。賞。註牢廩食也。

燕王為慕容翰造可手弓矢註可手傻手也

漢明帝報中山王書今五國各官騎百人稱娵前行註齊整也

董卓縱放軍士剽虜資物謂之搜牢言牢固者皆搜取之也

中外共誣皇甫規貨賂羣羗令其文降註以文簿虛降非真心也

耿國傳使塞下無晏開之警註有警急則開門晚也相如傳攝弓而馳註謂張弓注矢而持之也

三國志虜亦遮守蹊要註蹊徑路也謂徑路要處也

王尊傳迹射士千人註言能尋跡而射取之也又有射

聲校尉言聞聲而能射之

韓安國曰高皇帝圍於平城匈奴至者投鞍高如城者數所

此段小寇出於凶愚天網宏罩理不足論

豫章王
發語

李希烈攻汴州驅民運木土築壘忿其未就并人填之謂之溼薪

典韋陷呂布陣謂等人曰虜來十步乃白之等人曰十步矣又曰五步乃白等人懼疾言虜至矣韋持戟大呼而起所抵無不應手倒者註等人立等以募人及等者謂之等人

孫策攻劉繇牛渚營盡得郛閣糧穀戰具註郛至也言

所歸至也閣皮置也謂轉輸之歸至而皮置之也

公孫瓚自居樓上斥去左右專與姬妾居文簿書記皆汲而上之

王莽時四方皆以饑寒起為盜賊常思歲熟得歸鄉里衆雖萬數不敢畧有城邑日闕而已註闕盡也隨日而盡也此言羣盜攻剽所得日給口體而已

唐詩請纓下南越按繩縛涼州

管子曰無委致圍城脆致衝註城中無積糧曰無委

莊子壞植散羣植者邊境植木以為界謂徹戍罷兵鄰封混一也

輕呂寶劍名武王用以擊紂

春秋傳三軍皆譁鉤以振旅鉤音口歡動也杜詩傳士卒鳧藻註言其和睦歡悅如鳧之戲於水藻也

彭萊罵先主為老革註猶言老兵也

梁戴嵩從軍行云長安夜刺聞胡騎犯銅鞮刺聞夜有急報投刺於宮門也

魏耿令貴曰若不能殺賊又不為賊所傷何異逐坐人也註指當時持文屢議論者但好相隨逐坐談也

韓蘄王軍中別置親隨軍擇勇力尤異者充之謂之背
崑崙酒瓶也

韜章罩虎捲旆收鳶言凱旋也

金精埽旦

出公羊註

玉弩驚天

出漢書註

蚩尤曜旗王良策馬皆星氣也

吐蕃陷麟州虜將徐舍人會飛鳥使至召其軍還飛鳥使猶傳騎也

邊有質館以居降夷

星施出王會篇施旗屬也可對丹羽

馮唐傳夫士卒盡家人子起田中從軍安知尺籍伍符註尺籍所以書軍令伍符軍士伍伍相保之符信也

蕭淵明與王僧辯書凡諸部曲並使招攜赴投戎行前後雲集霜戈電戟無非武庫之兵龍甲犀渠皆是雲臺之仗王勃滕王閣序紫電清霜王將軍之武庫正用此

事

牢稟逋懸出劉虞傳言軍糧不續也

桔槔灌園之器邊方舉火亦用桔槔唐詩桔槔烽土暮
煙飛又桔槔方灌園

西京賦植鍛懸獻用戒不虞獻音伐打更木也

刁斗曰金柝

周文嘗為項燕軍視日註視日時吉凶舉動之占

侯景浴鐵數千葉翼衛左右註言鐵甲堅滑若以水浴

之也

見梁紀大寶元年

魏詔諸州鎮軍貫非有罪配隸者皆免為民軍貫軍籍也

纂兵集兵也

董卓拔戟擲呂布布拳捷得免

齊斧虞喜志林音側階切凡師出齊戒入廟受斧故曰齊也陳林云腰領不足以膏齊斧註云斧鉞也以整齊天下太平御覽引漢書王莽傳喪其齊斧亦音齊淮南子摩蕭斧以伐朝菌

越世家勾踐伐吳發習流二千人習流蓋士之習水戰者註以為流放之人誤

耶律德光指劉知遠曰此都軍甚操刺操刺俗語勇猛也

肱髀相依

肱唇齒意

混灑軒囂

作亂貌

又曰群臣連與成朋賜燕王璽書曰樊鄴曹灌攜劍推鋒從高皇帝墾菑除害耘鋤海內當此之時頭如蓬葆勤苦至矣然其賞不過封侯今宗室子孫曾無暴衣露冠之勞裂地而王之

廉范傳虜自相讎藉死者千餘人

滿寵論曹休曰今所從道背湖旁江易進難退此兵之窪地也

甘延壽傳試弁為期門哀帝贊卞射註並以弁卞為手搏

李陵傳轉鬪千里矢盡道窮士張空拳司馬遷傳作張空拳註卷弩弓也

兩甄軍中兩翼也左傳曰左右拒韓非子軍門曰和一作獵

伍曰甄

音陣

傳變謂耿鄙曰不若息軍養德明賞必罰賊得寬挺必謂我怯群惡爭勢其離可必註挺解也緩也

黥布傳陰拱而觀其孰勝言坐觀成敗也

鄧訓傳擁衛稽故令不得戰註謂稽畱事故也

左傳曰衷戎師史記匈奴傳善為誘兵以冒敵漢書作包敵

衛青傳得右賢裨王十餘人

李廣自以大黃射其裨將註黃肩弩也

喧呼疾鬪

出唐書
李廣傳

風纒露沐

即櫂屋沐雨

梁兵及潞州築夾城為蚰蜒塹以圍之

朱伺常所調弩忽噤不發

石勒集衣冠人物別有君子營

岑彭傳棹卒六萬餘人露橈數千艘註棹卒持棹行船也露橈謂露檝在外人在船中

高仙芝以李嗣真為陌刀將唐六典武庫分掌兵器刀制有四儀刀障刀橫刀陌刀

長楊賦麾城擗邑下將降旗擗音憶舉手擬之也又分梨單于磔裂屬國梨與務同謂剝析也又腦沙幕髓余吾註腦塗沙幕髓入余甚言其大破死亡髓古髓字

趙充國傳軍士寒手足皸瘃註皸坼裂也瘃寒創也

馬融疏曰盡力率厲埋根行首以先吏士註埋根言不

退也

行音杭

援旗糺族引旗聚衆也

奮威德以投天際天時之間隙也

軍中以端午走馬謂之躡柳音札見文昌雜錄

襟一作雅

段遼遣兵攻柳城都尉石琮城大募輿塗并力拒守註

城大猶城主也